



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CVIII. De Tempore, quo Abbas Gen. Congreg. Vallisoletanæ Ord. S.
Benedicti visitare debeat.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Prædicta Ser-
va Dei Beata
declaratur.Conceditur
facultas cele-
brandi Mis-
sam, & offi-
cium ejus-
dem Beate
recitandi in
certis qui-
busdam locis.Fides habenda
transumptis.

CVIII.

Indulgetur Monachis Congregationis Vallisole-
tanæ Ordinis S. Benedicti, ut ipsorum Abbas
Generalis semel tantum infra quadriennium
sui officii, visitationem peragere teneatur.

*Hac de re vide Pauli V. Const. ed. 1611. Decemb. 9.
P. 7., necnon Greg. XIII. Const. ed. 1573. Febr.
10. P. 1., & Urbani VIII. Const. ed. 1624. Jul. 5.
P. 1., quæ hic citantur.*

Dat. 19. Aug.
1726. Ann. 3.

BENEDICTUS PAPA XIII.

Ad perpetuam rei memoriam.

Abbas Gene-
ralis prædic-
tæ Congre-
gationis iux-
ta Constitutio-
nes ejus-
dem antea te-
nebatur bis
infra qua-
driennium
visitationem
peragere.

EXponi Nobis nuper fecerunt dilecti filii Mo-
nachi Congregationis Vallisoletanæ Ordinis
S. Benedicti tam suo, quam eorum Abbatis Ge-
neralis nomine, quod in Capitulo Generali ejus-
dem Congregationis anno 1610. celebrato stabili-
tæ fuerunt varæ Constitutiones, quarum una
concernit visitationem Monasteriorum, quam in-
fra quadriennium Abbas Generalis dictæ Congre-
gationis durante ejus officio bis personaliter pera-
gere debet; Si autem legitime impeditus fuerit,
alteram earum per suos Commissarios deputatos
adimplere potest, sed si possibile fuerit, semel ejus-

modi visitationem per seipsum peragere teneatur,
prout legitur in libro primo Statutorum Madriti
anno 1606. editorum cap. 19. n. 1., per quæ man-
datur, ut Abbas Generalis visitet bis in quadri-
ennio omnes Domus Religionis, necnon suæ Con-
ventualitatis, & oneratur ejus conscientia, ut has
visitationes per se personaliter agere procuret,
primam scilicet annis duobus prioribus; & secun-
dam duobus annis posterioribus; Si vero propter
morbum, aliasque occupationes peragere eas non
possit, decernitur, & statuitur sub pœna gravis
culpæ, ut bis in quadriennio, aut per se, aut per
suos Commissarios ullam Domum, sed saltem sin-
gulas per seipsum semel visitare non omitat.

§. 2. In quibusdam vero literis fe. re. Pauli
PP. V. Prædecessoris nostri desuper in simili forma
Brevis die 9. Decembris 1611. expeditis earum-
dem Constitutionum confirmatoris, quarum ini-
tium est: *Ex injuncto Nobis &c.* legitur sic: Sep-
timo, quod non sint Visitatores, nec Suppletore
eorum, sed quod Generalis bis visitet Congrega-
tionem in quadriennio per se ipsum si potuerit,
sive per suos Commissarios, sed si possibile fuerit
non omitat per seipsum semel tantum visitare
omnia Monasteria Congregationis, & alias prout
in prædictis Pauli Prædecessoris literis uberius
dicitur contineri.

§. 3. Porro cum experientia docuerit enuncia-
tas duas visitationes hucusque factas anno primo,
& ultimo quadriennii fuisse parum fructuosas,
quippe primo anno Abbates novi nondum totali-
ter administrationem, sive gubernium Monasterio-
rum disposuerunt, unde malæ administrationis re-
dargui possint, quantum autem ad ultimum annum
spectat similiter inutilis est illa visitatio, nam
Abbates tunc deponunt suum officium, novique
iis succedunt, ac sic crescunt incommoda, & sum-
ptus Monasteriorum, quorum debita jam ad quin-
genta millia Ducatorum monetæ Hispaniæ, ascen-
dunt, ideo in novissimo Capitulo Generali habito
Vallisoleti in Monasterio S. Benedicti Mense Majo
anni proxime præteriti omnium sententia fuit ad
Nos recurrendum esse rogando pro fructu Visita-
tionum, & Monasteriorum indemnitate præcipere
velimus, ut non obstantibus Constitutionibus su-
prædictis, ex literis ejusdem Pauli Prædecessoris
Abbas Generalis prædictæ Congregationis impo-
sterum semel dumtaxat in quadriennio omnia
Monasteria inchoando Mense Septembri anni se-
cundi sui Generalatus visitare teneatur, & post
continuando sine intermissione considerabili usque
dum ad finem pervenerit cum facultate ulterius
peragendi ante, aut post visitationem extraordi-
nariam Monasteriorum, vel per se, vel per suos
Commissarios, prout necessarium, & congruum
tam Constitutionibus ipsius Congregationis, quam
observantiæ regulari existimabit.

§. 4. Cum autem, sicut eadem expositio sub-
jungebat, dicti Exponentes ejusmodi duas enun-
ciatas visitationes per Constitutiones præscriptas
& per literas Pauli Prædecessoris confirmatas,
ut præfertur ad unam dumtaxat a Generali per-
sonaliter in quadriennio reduci, & alteram ex-
traordinariam pro suo arbitrio, si necessitas exi-
gat peragi, ac Constitutionibus ejusdem Con-
gregationis, quibus tribuitur facultas Capitulo
Generali illas declarandi, alterandi, & mutan-
di, etiam a Sede Apostolica confirmatas, no-
valque leges pro bono regimine condendi, prout
temporum necessitudo, & experientia rerum
postulabant, necnon aliis Gregorii XII., & Ur-
bani VIII. Romanorum Pontificum Prædeces-
sorum nostrorum literis desuper sub plumbo an-
no Incarnationis Dominicæ primis quidem quarto
Idus Februarii anno 1573. Pontificatus sui an-
no Primo, alteris vero Tertio Nonas Julii 1624.
Pontificatus sui anno pariter primo respective
expeditis, quarum initium: *Venerabilibus Fra-
tribus &c.* & in sacra &c. derogari summopere

Idemque sta-
tutum fuit a
Paulo V.Causæ præ-
sentis Con-
stitutionis:Quædam a-
liæ postula-
tiones ejus-
dem Congre-
gationis.

deside-

Preces Monachorum ejusdem.

Indictum predictum.

Clausula cum derogatoriis.

CIX.

desiderent, unde ex hoc major usura erit utilitas, quam ex duabus visitationibus hucusque fieri solitis, & Monasteria quoque liberabuntur a grandibus sumptibus, incommodisque omni fructu, qui juxta intentionem earumdem Constitutionum resultare deberet, carentibus.

§. 5. Nobis propterea dicti Exponentes humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignemur. Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, supplicationibus hujusmodi inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti filii moderni Procuratoris Generalis dictæ Congregationis Vallisoletanæ super præmissis eidem Cardinalibus factam attenderunt consilio, eorumdem Exponentium precibus enunciatis duas visitationes generales per Constitutiones Ordinis præscriptas, & a Generalibus personaliter infra quadriennium peragendas ad unam dumtaxat generalem, dummodo Generalis impeditus non sit, & alteram, vel alteras extraordinarias ad ejus arbitrium per se, vel suos Commissarios, si necessitas exigat reducendo juxta petita, auctoritate Apostolica tenore præsentium indulgemus, & sic imposterum servari mandamus; Salva tamen semper in præmissis auctoritate Congregationis eorumdem Cardinalium.

§. 6. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari; Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 7. Non obstantibus præmissis, ac Constitutionibus, & Ordinationibus Apostolicis, ac dictæ Congregationis Vallisoletanæ, etiam Juramento, Confirmatione Apostolica, vel quavis firmitate alia roboratis, statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes; illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die XIX. Augusti MDCCXXVI. Pontificatus Nostri Anno Tertio.

Statuitur, ut electio Abbatis Monasterii de Monte Serrato, Monachorum Ordinis S. Benedicti, Congregationis Vallisoletanæ, in posterum peragatur in Capitulo Generali ejusdem Congregationis.

Ad tenorem Regule Gregorius XV. Const. ed. 1621. Apr. 2. P. 1. decrevit electionem Abbatis fieri a Monachis dicti Monasterii, Clemens vero XI. ad

Monachorum & Philippi Regis preces indulgent. Const. ed. 1717. Mart. 9. P. 17. ut bis feret in Cap. Generali.

BENEDICTUS PAPA XIII.

Ad perpetuam rei memoriam.

Alias charissimi in Christo filii Nostri Philippi Hispaniarum Regis Catholici nomine fel. rec. Clementi Papæ XI. Prædecessori Nostro exposito, quod per quamdam concordiam dudum inter tunc existentes Generalem, & alios Abbates, ac Superiores Congregationis S. Benedicti de observantia nuncupati in Regnis Hispaniarum in Capitulo Generali dictæ Congregationis anno 1617. celebrato initam, & successive per quasdam pia me. Gregorii Papæ XV. Prædecessoris pariter Nostri in simili forma Brevis die 4. Aprilis 1621. expeditas literas auctoritate Apostolica approbatam, & confirmatam inter alia cautum fuerat, ut electio Abbatis Monasterii de Monte Serrato dictæ Congregationis in quacumque illius vacatione occurrente a Monachis Conventualibus ejusdem Monasterii juxta juris dispositionem, & S. Benedicti Regulam, ac illius antiqua statuta libere fieri deberet, & alias prout in ejusdem Gregorii Prædecessoris literis, quarum tenorem præsentibus pro plene & sufficienter expresso, ac ad verbum inserto haberi volumus uberius continetur.

§. 2. Verum comperit fuerat, quod ad tollenda dissidia, & scandala, quæ ex ejusmodi forma electionis suboriebantur non solum expediebat, sed quemadmodum tunc existens Procurator Generalis dictæ Congregationis existimabat necesse etiam esset, ac prædicto Monasterio, & Monachis, ut Regularis observantia, & primitiva disciplina Monastica in eodem Monasterio restitueretur, per quam utile, & proficuum ejusmodi electionem Abbatis a Capitulo Generali prædictæ Congregationis in posterum fieri, idque tunc pariter existentes, & perique Monachi Monasterii prædicti, qui memoratum Philippum Regem ad officia sua hujusmodi apud eundem Clementem Prædecessorem, & hanc Sanctam Sedem interponenda enixe rogaverant, potissimum exposcebant, ita tamen ut in reliquis, ac præcipue circa alternativam inter Monachos dictæ Congregationis Regnorum Aragoniæ, & Castellæ electione Abbatis, ac officiorum distributionem prædictarum, concordiæ, & Gregorii Prædecessoris literarum dispositio firma remaneret, idem Clemens Prædecessor ejusdem Philippi Regis desiderio hac in re favorabiliter annuere, dictique Monasterii statui consulere cupiens, ejus supplicationibus inclinatus, petitam facultatem ad electionem Abbatis ejusdem Monasterii in Capitulo Generali Congregationis prædictæ pro duabus primis electionibus deveniendi dicta auctoritate concessit & impertitus fuit, firmis tamen remanentibus reliquis omnibus in prænaratis concordia, & Gregorii Prædecessoris literis emanatis, & alias, prout in memorati Clementis Prædecessoris literis desuper pariter in ea forma Brevis die 9. Martii 1717. expeditis, quarum tenorem præsentibus pro plene, & sufficienter expresso, ac ad verbum inserto plenus continetur.

§. 3. Et subinde pro parte ejusdem Philippi Regis Nobis pariter exposito, quod dicti Clementis Prædecessoris literæ in duabus electionibus nempe annis 1717. & 1721. promptæ executioni demandatæ fuerunt, dictumque Monasterium tam in spiritualibus, quam in temporalibus utpote a Prælo per Capitulum generale supradictum electo gubernatum reformatum fuerat, ipse Philippus Rex, ut in tam celebri Monasterio Regularis observantiæ perseveraret,

Dat. 19. Aug. 1726. Ann. 3.

Prout electio prædicti Abbatis fieret a Monachis Conventualibus ejusdem Monasterii.

Postea vero a Clem. XI. concessum, ut electio Abbatis ejusdem in Capitulo Generali Congregationis prædictæ, pro primis duabus electionibus fieret.

Deinde ab hoc eodem Pontifice, ad preces Hispaniarum Regis, ut idem in futurum servaretur, pariter concessum.